

ত্ৰিপুৰা হাফাঙ
ককথুম তেই হুকুমু দাগিখুঙ

স-২০১৩

আগৰতলা, ৩০ জুলাই, ২০২৫

কাঞ্চনপুৰ অ সালদকনি আকাঞ্জা মেলা
হাসতে হাফাঙনি নায়মুঙ আঁঙখা কামি আমচায়নি
লুকুৰকনি মাঙতাঙনি হামক্ৰায় খীলায়নানি : লুকুবসঙ হামক্ৰায় মন্ত্ৰি

কাঞ্চনপুৰনি সুভাষনগৰ পঞ্চায়েত মাঠত থাঙনায় ২৮ জুলাইনি সিমি চেঙজাকখা সালদকনি আকাঞ্জা মেলা। নীতি আয়োগনি অ্যাসপিরেশনাল ব্লক প্ৰোগ্ৰামন' বীৰগাঁই সম্পূৰ্ণতা অভিযান সন্মানন' বীৰগাঁই অ পানদান' সঙচাজাকখা। বানিকন' চেঙগাঁই বীৰ লুকুবসঙ হামক্ৰায় তেই লুকুবসঙ বীৰ নায়খুঙনি মন্ত্ৰি টিঙ্কু ৰায় সাখা, মন্ত্ৰি বখৰক নৱেন্দ্ৰ মোদিনি ইমাং ২০৪৭ বিসিনি বিসিং বিকশিত ভাৰত খীলায় তিসানানি। বনি বাৰ্গাঁই ব' হাকতৰনি জত' আমচায়নি হামক্ৰায় খীলায়নানি নায়মুঙ' জুদা জুদা উনসুকতাঙ ৰমাই সামুঙ তাঙগাঁই তঙগ'। হাসতে হাফাঙনি নায়মুঙ আঁঙখা কামি আমচায়নি লুকুৰকনি মাঙতাঙনি হামক্ৰায় খীলায়নানি। আ নায়মুঙ' কেন্দ্ৰ তেই হাসতে হাফাঙনি সামুঙবীতাংৰক কাহাম খীলায় সামুঙ' বজাৰগাঁই তঙগ'। ব' সাখা, কামি আমচায়নি লুকুৰকনি যাক বায় সীনামজাক মানীয়ৰকন' হাতিঅ ফালনানি নায়মুঙ' মানীয়ৰকনি কোয়ালিটি কাহাম খীলায়নানি সাকা ফানবকসিননা নাঙনায়। বনি বিসিংতাই বৰগ ৰাঙথঙগ' হামসাজাক আঁঙগাঁই মাননায়।

পানদাঅ সীনামমুঙ তেই বানিয়া নায়খুঙনি মন্ত্ৰি সান্ত্বনা চাকমা সাখা, লুকুবসঙনি পায়থাগ লুকুৰকনি হামক্ৰায় আঁঙখেন' সাকচুকজাক ভাৰত তেই সাকচুকজাক ত্ৰিপুৰা আঁঙগাঁই মাননায়। হাসতেনি জত' ব্লক বাকসা খীলায় আঙকগাঁই মানখেন' হাসতেনি হামক্ৰায় আঁঙগাঁই মাননায়। ফেকজাকনায় কীৰীই ত্ৰিপুৰা সীনামনা বাৰ্গাঁই লুকুবসঙনি জত' ৰেমনি লুকুৰক বীসকাঙ আঙক ফায়না নাঙনায়।

পানদাঅ লামসগাঁই ককমুঙ নাৰীকখা উত্তৰ ত্ৰিপুৰা হাঙখৰনি ডিএম চাঁদনী চন্দ্রন সাখা, হাঙখৰনি দশদা তেই দামছড়া অ্যাসপিরেশনাল ব্লক প্ৰোগ্ৰাম সামুঙবীতাংনি ফুনুকমাৰি বীৰ, সাকহাম, চামুঙ কাহাম, নীঙজাকনায় তীয়, হুকবান' খবীই জুদা জুদা আমচায়নি হামক্ৰায়' ১০০% কাহাম মাৰি তুবুনানি বাৰ্গাঁই বৰম য়াফাৰমুঙ পানদা তেই বানিকন' সঙচাজাকখা। পানদাঅ বন' কাৰীইব' মানজাক ফায়খা এমডিসি শৈলেন্দ্ৰ নাথ, দশদা বিএসিনি চেয়াৰম্যান উদাৰ ৰাম ৰিয়াং, দামছড়া বিএসিনি চেয়াৰম্যান উপেন্দ্ৰ ৰিয়াং, লালজুৰি বিএসিনি চেয়াৰম্যান অজন্ত কুমাৰ চৌধুৰী, টিআৰএলএমনি চিফ এক্সিকিউটিভ অফিসাৰ তডিং কান্তি চাকমা, এডিএম এল ডাৰ্লং, কাঞ্চনপুৰ বীথাকন্তেনি এসডিএম ডা. দীপক কুমাৰ, সাব ডিভিশনাল পুলিচ অফিসাৰ আশিষ ঠাকুৰ আকসঙ। অ বানিকঅ সেনফ হেল্প বদলন' খবীই জুদা জুদা নায়খুঙনি জতই ৫০টা ফুনুকমুঙ খতল ফিয়কজাকখা। বানিকঅ সালবুৰুম সানজাঅ আমচায় তেই হাসতেনি জুদা জুদা আমচায়নি বীৰবাকীৰীঙৰক বায় হুকুমনি পানদা সঙচাজাকখা। পানদানি হায়াঅ ডিস্ট্ৰিক্ট অ্যাডমিনিস্ট্ৰেশনি জুদা জুদা ৰেমনি ৩০ জনা তাঙফাঙৰকন' খবীই তাঙসঙৰকন' বৰম য়াফাৰজাকখা।
